

## Aktiviti Belajar Bahasa Ibunda di Rumah 3

Ibu bapa yang dihormati

Anda boleh menyokong pembelajaran dan pembangunan bahasa Ibunda anak anda di rumah dengan aktiviti-aktiviti saranan yang berikut. Aktiviti-aktiviti ini dapat melibatkan anak anda melalui bermain dan meneroka. Selain memupuk interaksi yang berkualiti dengan anak anda, aktiviti-aktiviti ini juga dapat membantu ahli keluarga mengeratkan hubungan.

### Apakah yang boleh anda lakukan bersama anak anda?

#### Warna-Warna Makanan

Objektif aktiviti ini membantu anak anda berbual tentang warna dan makanan. Minta anak memikirkan tentang makanan yang digemari dan warna makanan tersebut. Sediakan piring kertas, kertas warna, gambar-gambar dari majalah, gunting dan gam. Gunting kertas warna atau majalah untuk mendapatkan bentuk makanan yang digemari. Lekatkannya di piring kertas. Isi ruang di dalam piring kertas dengan makanan yang lain juga.. Berbual dengan anak anda tentang hasil kerja mereka, misalnya, warna lobak jingga, warna sayur hijau dan warna tomato merah.



#### Di Mana Ini?

Objektif aktiviti ini membantu anak anda berbual tentang bilik-bilik yang ada di dalam rumah. Berikan mereka majalah hiasan rumah. Berbual dengan anak anda perkakas apa yang dapat diletakkan di bilik-bilik di dalam rumah. Minta anak memilih satu halaman dari majalah tersebut. Lekatkan gambar yang disukai dengan sekeping kertas yang lebih tebal. Gunting kertas tersebut kepada beberapa bahagian untuk menjadikannya permainan Susun Suai Gambar (puzzle). Setelah itu minta anak susun semula kepingan - kepingan itu menjadi seperti gambar yang asal.

#### Mari Nyanyi!

Nyanyikan lagu 'Mari Makan' (rentak lagu "Are you sleeping?") bersama-sama anak anda dan lakukan aksi yang bersesuaian.

##### "Mari Makan"

Mari makan, mari makan.  
Buah-buahan, buah-buahan.  
Tulang akan kuat, badan jadi sihat,  
Ceria sentiasa, ceria sentiasa.

#### Mencari Barang Hilang

Objektif aktiviti ini membantu anak anda berbual tentang barang-barang di dalam rumah. Ibu menyembunyikan beberapa barang di dalam rumah. Beritahu anak bahawa ada beberapa barang yang hilang. Berikan senarai barang-barang itu kepada anak dan minta anak mencarinya. Apabila anak sudah berjumpa kesemua barang yang hilang itu, tanya anak di mana sepatutnya barang-barang itu diletakkan. Minta anak letakkan semula di bilik yang sesuai.

**Berseronoklah bersama anak anda!**